

Sarajevo, 26-07-2023

Broj: 58-11-3-27877

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl.novine FBiH br. 73/13), član 24. stav 1. Pravilnika o javnim nabavkama Kliničkog centra Univerziteta u Sarajevu (65-04-2-4654 od 01.02.2023. godine), te Rješenja URŽ-a br. JN2-01-07-1-501-10/23 (KCUS broj: 58-11-3-18353 od 11.05.2023. godine), a na prijedlog Komisije za javnu nabavku Izmjena i dopuna Izvještaja br. 58-33-4-26769-1 od 17.07.2023. godine, Generalna direktorica donosi:

ODLUKU

o izboru najpovoljnijeg ponuđača za nabavku
linearnih akceleratora sa pratećom opremom i radovima/adaptaciji prostora
za potrebe Klinike za onkologiju KCUS-a

I

Prihvata se prijedlog Komisije za „Nabavku linearnih akceleratora sa pratećom opremom i radovima/adaptaciji prostora za potrebe Klinike za onkologiju KCUS-a“, po izmjeni i dopuni Izvještaja br. 58-33-4-26769-1 od 17.07.2023. godine, a nakon provedenog otvorenog postupka sa međunarodnom objavom na portalu e-nabavke dana 09.09.2022.godine pod brojem obavještenja 893-1-1-574-3-466/22, sa ispravkama obavještenja i **ugovor dodjeljuje najpovoljnijem ponuđaču:**

INEL-MED d.o.o. Mostar, i to:

1.	Nabavka višeenergetskog linearnog akceleratora sa pratećom opremom	VERSA HD, Elekta 6.150.000,00 KM bez PDV-a
2.	Nabavka monoenergetskog linearnog akceleratora sa pratećom opremom	HARMONY PRO, Elekta 3.830.000,00 KM bez PDV-a

Ukupna vrijednost nabavke:

9.980.000,00 KM bez PDV-a + PDV 1.696.600,00 KM = 11.676.600,00 KM sa PDV-om

- Ponudena cijena je nepromjenjiva, izražena u KM i podrazumijeva demontažu postojeće opreme i iznošenje iste na lokaciju koju odredi investitor (u krugu KCUS-a), radove/adaptaciju/prilagođavanje postojećih prostora zahtijevanim uslovima za rad sa predmetnom opremom, isporuku, montažu i puštanje u rad nove opreme, te edukaciju uposlenika ugovornog organa.
- Ugovorne strane su saglasne da se plaćanje izvrši u dvije jednake rate: I rata u roku 30 dana od dana obostrano potpisanog Zapisnika/protokola o primopredaji opreme i ispostavljanja fakture/faktura, a II rata u roku 60 dana od ispostave fakture/faktura.
- Garantni rok na isporučenu robu je 24 (dvadesetčetiri) mjeseca i teče od dana potpisivanja zapisnika/protokola o primopredaji.
- Rok za izvršenje demontaže postojeće opreme i okončanja radova/adaptacije/prilagođavanja postojećeg prostora zahtijevanim uslovima za rad sa predmetnom opremom, te isporuke, montaže, puštanja u rad opreme i edukacije osoblja je 240 dana od dana potpisivanja ugovora i prijema narudžbenice izdate od strane ugovornog organa

II

Izabrani ponuđač dužan je u roku od 5 (pet) dana od dana prijema ove Odluke, dostaviti original ili ovjerene kopije dokaza tražene tačkom 4.1. Tenderske dokumentacije, ukoliko istu nisu dostavili uz ponudu, u skladu sa dostavljenom Izjavom ponuđača, a ne starijih od 3 mjeseca računajući od momenta predaje ponude.

III

Ova Odluka stupa na snagu danom donošenja i bit će objavljena na web stranici KCUS-a, kao i dostavljena ponuđačima učesnicima u postupku javne nabavke.

IV

U skladu sa Rješenjem URŽ-a br. JN2-01-07-1-501-10/23 (KCUS broj: 58-11-3-18353 od 11.05.2023. godine) Odluka o izboru najpovoljnijeg ponuđača za nabavku br. 58-11-3-6793 od 15.02.2023. godine se poništava.

OBRAZLOŽENJE

U skladu sa Odlukom Generalne direktorice KCUS-a broj: 58-11-3-39495 od 09.09.2022. godine, pokrenut je postupak javne nabavke za „Nabavku linearnih akceleratora sa pratećom opremom i radovima/adaptaciji prostora za potrebe Klinike za onkologiju KCUS-a“. Procijenjena vrijednost nabavke je 10.000.000,00 KM bez PDV-a. Nabavka je planirana Planom javnih nabavki za 2022. god. pod kategorijom „investicije - robe“ redni br. 37. (Odluka o izmjenama i dopunama Plana javnih nabavki Kliničkog centra Univerziteta u Sarajevu za 2022 godinu, broj: 32/22 br. protokola 65-04-2-37187 od 24.08.2022. godine). Sredstva obezbjeđena iz dobiti KCUS-a i ostalih izvora. Uslovi plaćanja predviđeni za postupak nabavke su plaćanje u roku 30 dana od dana isporuke, montaže, puštanja u rad i primopredaje, te ispostave fakture/faktura (I rata), a II rata u roku 60 dana od ispostave fakture/faktura (na osnovu dopisa Sektora za računovodstvo, plan i analizu br. 56-11-1-38805 od 06.09.2022.godine).

Klinički centar Univerziteta u Sarajevu je na portalu e-nabavke dana 09.09.2022.godine objavio obavještenje o nabavci br. 893-1-1-574-3-466/22 zajedno sa Tenderskom dokumentacijom.

Na osnovu poziva objavljenog na portalu e-nabavke tendersku dokumentaciju za postupak javne nabavke preuzelo je 14 (četnaest) potencijalnih ponuđača; Izmjenu i dopunu tenderske od 19.10.2022.godine preuzelo je 9 (devet) potencijalnih ponuđača: "INEL-MED" DRUŠTVO ZA TRGOVINU,USLUGE I ZASTUPANJA,EXPORT-IMPORT D.O.O. MOSTAR; SIEMENS MEDICINA D.O.O.;EKAPIJA d.o.o.; MEDPOINT D.O.O. SARAJEVO; DIAMEDIC DOO; PROMEDING D.O.O.; BBS EUROPE; EMEDIS DOO i BERG DOO.

Do vremena naznačenog u Ispravci za Obavještenje o nabavci broj 893-1-1-574-8-685/22 od 22.12.2022.godine dana 30.12.2022.godine do 08 h i 30 min na Protokol Kliničkog centra Univerziteta u Sarajevu dostavljene su 3 (tri) ponude za postupak nabavke i to:

PODACI IZ PONUDE	1.	2.	3.
Naziv ponuđača	INEL-MED d.o.o. Mostar	SIEMENS MEDICINA d.o.o. Sarajevo	PROMEDING d.o.o. Laktaši
Broj i datum ponude (što je evidentirano Zapisnikom o zaprimanju ponuda br. 58-11- 3-5742 od 30.12.2022. godine)	10-11-2-57029 29.12.2022. godine u 12 h i 05 min	10-11-3-57090 29.12.2022. godine u 14 h i 00 min	10-11-3-57092 29.12.2022. godine u 14 h i 01 min
Cijena ponude bez PDV-a:	9.980.000,00 KM	9.999.999,00 KM	10.000.000,00 KM

Komisija imenovana Odlukom br. 01-04-4-52121 od 01.12.2022.godine (Odluka br. 01-04-4-56807 od 28.12.2022. godine o izmjeni i dopuni Odluke o imenovanju komisije) je izvršila detaljnu analizu i ocjenu ponuda i Zapisnikom o pregledu i ocjeni ponuda br. 58-33-4-6435 od 13.02.2023. godine ustanovila da:

- Ponuda ponuđača **PROMEDING d.o.o. Laktaši nije formalno pravno i suštinski ispravna** jer nije dostavljena u skladu sa sljedećim tenderskim zahtjevima traženih tačkom 3.1.1. :
 - Ponuđač nije dostavio **sve traženo pod tačkom b)** „Popunjene sve Aneксе na originalnim obrascima iz tenderske dokumentacije (Aneks 1; Aneks 2; Aneks 3; Aneks 4; Aneks 5 i Aneks 6);“ U svojoj ponudi

ponuđač je dostavio Aneks 2 koji nije u cijelosti popunio tj. nije upisao koji proizvod nudi (Proizvođač-TIP/MODEL)” ; nije popunio Aneks 3 (Tehnička specifikacija) i nije dostavio Aneks 6 (Izjava ponuđača o obilasku mjesta demontaže stare i montaže nove opreme).

- Ponuđač nije dostavio **dokaz tražen pod tačkom g)** „*Potvrda o upisu medicinskog sredstva u registar medicinskih sredstava BiH izdato od Agencije za lijekove i medicinska sredstava BiH ili Izjava ponuđača da će ukoliko njegova ponuda bude odabrana kao najpovoljnija, u roku od 4 mjeseca (rok važnosti bankarske garancije za uredno izvršenje ugovora) od dana zaključivanja/obostrano potpisanog ugovora, dostaviti „Potvrdu o upisu medicinskog sredstva u registar medicinskih sredstava BiH (za stavke 1 i 2 Aneks-a 2)“*“
- Ponuđač nije dostavio **dokaz tražen pod tačkom h)** „*Licenca tehničkog servisa ponuđača za instaliranje, servisiranje i demontaža uređaja koji proizvode zračenje u medicini izdata od strane Državne regulatorne agencije za radijacijsku i nuklearnu sigurnost BiH“*“
- Ponuđač nije dostavio **dokaz tražen pod tačkom i)** „*Licenca izdata od strane Državne regulatorne agencije za radijacijsku i nuklearnu sigurnost za djelatnost nabavke i distribucije izvora jonizirajućeg zračenja“*“
- Ponuđač nije dostavio **dokaz tražen pod tačkom j)** „*Izjavu/Informaciju o dostupnosti servisa na teritoriji BiH“*“
- Ponuđač nije dostavio **dokaz tražen pod tačkom k)** „*Validnu dokumentaciju kojom se dokazuje da je ponuđač ekskluzivni/autorizovani zastupnik proizvođača na teritoriji BiH ili distributer proizvođača predmetne opreme ili je u poslovnim odnosima sa proizvođačem ili sa ekskluzivnim/autorizovanim zastupnikom na teritoriji BiH. (za stavke 1 i 2 Aneks-a 2)“*“
- Ponuđač nije dostavio **dokaz tražen pod tačkom l)** „*Pojedinačni certifikat/i serviser (najmanje jedan) kojim ponuđač raspolaže, a kojim se dokazuje da su serviser/i osposobljen/i za održavanje ponuđene opreme, kao i dokaz da su ponuđač i serviser/i u poslovnom odnosu (Ugovor o radu ili Ugovor o angažovanju/suradnji) (za stavke 1 i 2 Aneks-a 2)“*“
- Ponuđač nije dostavio **dokaz tražen pod tačkom m)** „*Garanciju za ozbiljnost ponude u trajanju od 180 dana“*“
- Ponuđač nije dostavio **dokaz tražen pod tačkom o)** „*Izjavu ponuđača da će dostaviti garanciju u iznosu od 5% od ukupne vrijednosti fakture (sa PDV-om) u roku od 15 dana od dana potpisivanja zapisnika/protokola o primopredaji sa rokom važenja 24 mjeseca.“*“

U napomeni tačke 3.1.1. stoji “Neprilaganje bilo kojeg dokaza i/ili izjave diskvalifikuje ponuđača.”

Nadalje, tačkom 3.1.2. „Dobavljač se obavezuje“ i Aneks-om 3 (tehnička specifikacija) tenderske dokumentacije je traženo od ponuđača „*Da će uz ponudu dostaviti printani kataloški (prospektni) materijal sa obilježenim (označenim) i numerisanim tehničkim karakteristikama (npr. broj stranice xx iz kataloške dokumentacije na kojoj se nalazi tražena karakteristika upisati u kolonu „Broj stranice u prospektnoj /kataloškoj dokumentaciji“, pri tome u kataloškoj dokumentaciji istu markirati i numerisati brojem iz tehničke specifikacije-Aneks 3)“*. Ponuđač u svojoj ponudi nije dostavio ništa od naprijed navedenog.

Ponuđač je za dio koji se odnosi na garantni period/rok naveo različita trajanja tako što je u Aneksu 2. naveo garantni period/rok 12 mjeseci, u izjavi traženoj tenderskom dokumentacijom tačka 3.1.1. /q) 24 mjeseca, a u prijedlogu ugovora uopšte nije upisao vrijeme trajanja.

Iz gore navedenih razloga ponuda ponuđača PROMEDING d.o.o. Laktaši je ocijenjena kao neprihvatljiva i ne učestvuje u daljem toku postupka javne nabavke.

Ponude ponuđača INEL-MED d.o.o. Mostar i SIEMENS MEDICINA d.o.o. Sarajevo su ispunile formalno pravne zahtjeve, pa je Komisija pristupila analizi tehničkih specifikacija ponuđenih uređaja. Zapisnikom br. 58-33-4-6435 od 13.02.2023. godine Komisija je prostom većinom glasova dala prijedlog ugovornom organu da se donese odluka o izboru najpovoljnijeg ponuđača.

Ugovorni organ je donio Odluku o izboru najpovoljnijeg ponuđača br. 58-11-3-6793 od 15.02.2023. godine, na koju je ponuđač Siemens Medicina d.o.o. Sarajevo izjavio žalbu br: JN-18-32/23 (KCUS br. 58-11-3-8494 od 27.02.2023. godine. Izjašnjenjem br: 58-11-3-9434 od 06.03.2023. godine Ugovorni organ je istu proslijedio Uredu za razmatranje žalbi BiH (URŽ) kao **neosnovanu**.

Rješenjem broj: JN2-01-07-1-501-10/23 (KCUS broj: 58-11-3-18353 od 11.05.2023. godine), **Ured za razmatranje žalbi BiH je usvojio žalbu ponuđača Siemens Medicina d.o.o. Sarajevo kojim je poništio Odluku** o izboru najpovoljnijeg ponuđača br.58-11-3-6793 od 15.02.2023. godine za nabavku linearnih akceleratora sa pratećom opremom i radovima/adaptaciji prostora za potrebe Klinike za onkologiju KCUS-a i **predmet vratio ugovornom organu na ponovni postupak**.

Zbog kompleksnosti predmetne nabavke i nejasnoća u Rješenju URŽ-a u skladu sa članom 4. stav (4) Pravilnika o uspostavljanju i radu komisije za nabavku „Službeni glasnik BiH“, broj 103/14), angažovan je vanjski stručnjak, dr.sc. Samir Buljina, koji je Komisiji za nabavke dostavio Preporuku br.10-11-3-24323 od 26.06.2023. godine.

Postupajući po gore navedenom Rješenju URŽ-a i preporuci vanjskog stručnjaka, Komisija je ponovo pregledala dostavljene ponude ponuđača, a prolazeći kroz sve navode Rješenja i preporuke, te sačinila izmjenu i dopunu Zapisnika o pregledu i ocjeni ponuda br. 58-33-4-26769 od 17.07.2023. godine, koji je sastavni dio ove Odluke.

Navedenim zapisnikom o pregledu i ocjeni ponuda većinom glasova (četiri glasa za i jedan protiv) komisija je konstatovala:

- Pregledom ponude ponuđača INEL-MED d.o.o. Mostar Komisija je konstatovala da ista ispunjava formalno pravne, tehničke i suštinske zahtjeve, te je prihvatljiva, pa može biti predmet vrednovanja i učestvovati u daljem toku natjecanja

- Ponuda ponuđača SIEMENS MEDICINA d.o.o. Sarajevo ne ispunjava tehničke zahtjeve tražene tenderskom dokumentacijom (Aneks 3 – tehnička specifikacija). Tenderskom dokumentacijom u Aneksu 3 ugovorni organ je definisao *“U slučaju da tražena/e tehnička/e karakteristika/e nije moguće dokazati putem kataložnog materijala (nije opisano u kataložnoj dokumentaciji) potrebno je dostaviti Izjavu/e proizvođača da traženi tehnički zahtjev/i (za svaki pojedinačno) ispunjava/ju traženu karakteristiku/e”*.

Kako se vidi iz analize tehničkih karakteristika u tabelarnom prikazu, ponuđač za tačke (Nabavka višeenergetskog linearnog akceleratora sa pratećom opremom 1.6.2.; 1.6.8.; 1.6.9.; 1.6.11.; 1.6.12.; 1.7.1.; 3.3.; 4.7.; 4.8.; 5.3.3.; 5.3.4.; 5.3.7. i 6.16. i Nabavka monoenergetskog linearnog akceleratora sa pratećom opremom 1.5.2.; 1.5.5.; 1.5.6.; 1.5.9.; 1.5.10.; 1.5.11.; 1.6.1.; 2.3.; 2.5.; 3.7.; 3.8.; 4.7.5.; 4.8.; 4.9.; 5.16.) tehničkih zahtjeva **dao svoju izjavu (ponuđač), a ne izjavu proizvođača kako je traženo tenderskom dokumentacijom**. Napominjemo da je ponuđač dostavio izjavu proizvođača za određene tačke (Nabavka višeenergetskog linearnog akceleratora sa pratećom opremom i to: 1.2.3.; 1.3.1.; 1.3.4.; 1.4.2.; 1.6.1.; 1.6.3.; 1.6.10.; 3.4.; 3.5.; 4.1.; 4.3.; 4.5.; 4.6.; i Nabavka monoenergetskog linearnog akceleratora sa pratećom opremom: 1.3.3.; 1.5.8.; 1.7.1.; 2.1.; 2.4.; 3.3.;), kako je traženo tenderskom dokumentacijom.

Iz gore navedenih razloga ponuda ponuđača **SIEMENS MEDICINA d.o.o. Sarajevo je ocijenjena kao neprihvatljiva i ne učestvuje u daljem toku postupka javne nabavke.**

Nakon cjelokupne analize dostavljenih ponuda, većinom glasova komisija je donijela konačan zaključak kako slijedi:

Naziv ponuđača	INEL-MED d.o.o. Mostar	Siemens Medicina d.o.o. Sarajevo	PROMEDING d.o.o. Laktaši
OCJENA PONUDE: PRIHVATLJIVA / NEPRIHVATLJIVA	PRIHVATLJIVA	NEPRIHVATLJIVA	NEPRIHVATLJIVA

Uzimajući u obzir prethodno navedeno, te činjenicu da je za ovaj postupak javne nabavke planirano provođenje e-aukcije, ali u skladu sa članom 3. Stav 3) Pravilnika o uslovima i načinu korištenja e-aukcije, u kojem je regulisano kako se e-aukcija ne može provesti u slučaju prijema jedne prihvatljive ponude, Komisija prostom većinom glasova donosi zaključak da se **postupak okončava u skladu sa članom 69. stav 1 pod a) ZJN.**

Obzirom da je zadovoljena transparentnost i da je cijena, prihvatljive ponude u okviru osiguranih sredstava za nabavku, Komisija sa većinom glasova izmjenom i dopunom Izvještajema br. 58-33-4-26769-1 od 17.07.2023. godine predlaže da se za „Nabavku linearnih akceleratora sa pratećom opremom i radovima/adaptaciji prostora za potrebe Klinike za onkologiju KCUS-a “ **ugovor dodijeli ponuđaču INEL-MED d.o.o. Mostar, koji je jedini dostavio prihvatljivu ponudu.**

Uzimajući u obzir naprijed navedno, prijedlog Komisije je prihvaćen i donosi se odluka kao u dispozitivu.

GENERALNA DIREKTORICA

Prof.dr. Sebija Izetbegović

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 10 (deset) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđačima;
- Tehnički sektor
- a/a KCUS